

Komisija “Buldožer” kompletirala spisak 50 birokratskih prepreka za poslovanje u BiH

Komisija “Buldožer”, koju je u novembru osnovao visoki predstavnik radi pružanja pomoći u uklanjanju nepotrebnih birokratskih prepreka koje sprečavaju širenje biznisa i stvaranje novih radnih mjesta, danas je održala svoj treći plenarni sastanak. Ova komisija, koja se sada sastoji od preko dvadeset poslovnih organizacija iz BiH, od kada je osnovana 12. novembra, održala je konsultativne sastanke u Banjaluci, Tuzli, Mostaru, Travniku, Brčkom, Orašju i Zenici, i dva prethodna plenarna sastanka u Sarajevu. Na ovim sastancima su preispitane i procjenjene preporuke koju se dostavili poslovni ljudi o načinima usklađivanja birokracije u BiH kako bi se olakšalo poslovanje u ovoj zemlji. Razmotreno je stotine sugestija. Na današnjem sastanku, Komisija “Buldožer” je finalizirala izbor od 50 konkretnih preporuka koje će biti prezentirane vlastima u BiH. Komisija “Buldožer” će ove preporuke prezentirati odgovarajućim parlamentarnim organima pozivajući ih da brzo i pozitivno djeluju u tom smislu.

Po osnivanju, Komisija “Buldožer” se obavezala na 50 poboljšanja u poslovnom okruženju u BiH u roku od 150 dana.

Na današnjoj plenarnoj sjednici, Komisija je izabrala 27 prijedloga, uključujući i preporuku da se više ne traži od stranih kompanija da registriraju predstavništva u oba entiteta, i preporuku da se pojednostavi proces pribavljanja prevoznih dozvola – što je od suštinskog značaja za stimuliranje izvoznih kapaciteta BiH.